

宋

會

要

水利上

食貨志宋太宗皇帝淳

化四年知雄州何承矩及臨濟令黃懋請于河北諸州
置水利田興堰六百里置斗門灌溉

詳見屯田門

太

宗至道元年正月五日度支判官梁鼎陳堯叟言乞興
三白渠及南陽陳穎壽春沛郡襄陽水田復邵信臣鄧
艾羊祐之制以廣農作詔光祿寺丞何亮等經度之凡

月堯典等言伏自唐季已來農政多廢民率棄本不
務力田是以廩庾無餘糧土地有遺利臣等每于農畝
之際精求利害之本討論典故脩得端倪自陳許鄧穎
暨蔡宿毫至于壽春用水利墾田先賢聖跡具在防疎
廢毀遂成污萊儻開闢以為公田灌溉以通水利發江
淮下軍散卒給官錢市牛及耕具導達海濱增築防堰
每千人人給牛一頭治田五萬畝畝三斛歲可得十五
萬斛凡七州之間置二十七屯歲可得三百萬斛因而
益之不知其極矣行之二三年必可以置倉廩省江淮
漕運開田益墾民益饒足乃慎選州縣官吏俾兼督其
事民田之未闢者官為種植公田之未墾者募民墾之

之歲登公私各取其半此又敦本勸農之術又引漢元
帝建昭中邵信臣為南陽太守於穰縣南六十里造鉗
盧波累石為隄旁開六石門以節水勢溉田三萬頃至
晉杜預因信臣道跡激漢清二水以溉田萬頃魏武以
任峻為典農中郎將屯田許下得穀百萬斛晉宣王遣
鄧艾行陳穎以東至壽春艾言田良水少不足以盡地
利宜開渠淮北二萬人淮南三萬人且佃且守歲小豐
常收三倍除給費外歲完五百萬斛六年可積三千萬
斛宣王然之遂北並淮自鍾離而南橫石以西盡泚水
四百餘里五里置一營營六十人且佃且守更修廣淮
陽百二尺渠上引河流下通淮穎大治諸陂于穎南穎

北穿渠三百里溉田二萬頃自戰爭以來民競逐未凡
此遺跡率皆荒榛臣等欲因其溝塍增築堤堰導其水
利墾為公田傅子曰陸田命繫于天人力雖脩而水旱
不時則一年之功棄矣水田之制由人力人力苟修則
地利可盡也矧又膏沃特甚螟螣不生比于陸田又不
佻矣帝覽奏嘉之詔大理寺丞皇甫選光祿寺丞何亮
乘傳按視經度之 二年四月皇甫選何亮等言奉詔
往諸州興水利臣等先至鄭渠相視舊跡按史記鄭渠
元引涇水自仲山西抵瓠口並北山東注洛三百餘里
溉田四萬頃收皆畝一鍾白渠引涇水首起谷口尾入
櫟陽注渭中袤二百餘里溉田四千五百頃兩處共四

萬四千五百頃今之存者不及二千頃乃二十二分之一分也詢其所由皆云因近代職守之人改修渠堰拆壞舊坊走失其水故灌溉之功絕不及古渠況此水二郡六縣資其利以溉田畝望令增築堰埭舊有放水斗門百七十六處悉已毀壞望繕治之嚴禁豪民盜用水移六石洪門就近上河岸不損處開渠口通河水慎選能吏專掌其事又言鄧許陳潁蔡宿亳等七郡民力耕種不及之處官司開田共二十二萬餘頃凡三百五十一處並是漢魏以來邵信臣杜詩杜預任峻司馬宣王鄧艾等制置墾闢之地內鄧州界鑿山穿嶺疏導河水散入唐鄧襄三州灌溉田土又諸陂塘坊埭大者長三

十里至五十里闊五丈至八丈高丈五尺至二丈溝渠
大者長五十里至百里濶三丈至五丈深一丈至丈五
尺可行小舟臣等按視諸處增築陂堰大費功役欲望
于舊防未壞可以疏引水利處先耕二萬餘頃漸興置
之詔從其請令自鄧州始但募民耕墾免其稅令選等
保舉一人與鄧州通判同掌其事選與亮分路按察焉
五月知懷州許袞上言蒙差奉職張致與臣相度開畝
河澆溉人戶佃苗并官竹園臣等相度所有令狐管水
磨兩盤寔是每年配率民戶于丹河作堰功料至大百
姓困敝欲望特行停廢其上汜河下流水磨兩盤且
乞仍舊差人勾當出辦元額一半錢銀其官竹園依時

流溉外沿河人戶乞令鄉村春夏澆田自上流使水秋
冬澆田自下流使水如遲乞以盜決堤防條科罪或百
姓自解開畝廣作陂塘亦聽取便今據河內縣里正申
趙等分析到緣河兩岸使水二十村二百二十五戶澆
得田土約六百八十餘頃并屬省竹園在內帝謂宰相
等曰川谷通流澆溉畝畝乃農田之急務也豈可以水
磨微細課入妨百姓之利哉其水磨依奏廢兩盤見存
留者亦與減放一丰課額餘水則引入官地田灌園竹
勿使荒廢

宋會要食貨志

真宗咸平六年三月以大理寺丞黃宗旦通判潁州從京西轉運使查道之舉宗旦先上潁川諸路陂塘荒地計千五百餘頃可募民耕田因命宗旦經度之其民自占者三百二十餘家朝廷欲終其事適會道舉奏遂就命之景德元年正月北面都鈐轄閻承翰言自定州開渠至蒲陰縣東約六十二里引水入沙河東經邊吳泊入界河可通行舟楫計其二役并圖畫米上帝謂侍

臣曰承翰以開導此河不惟易致資糧兼可播種其旁引水灌溉以助軍食且設險以限戎馬亦邊防之利也宜可其奏四月十四日閻承翰言自嘉山引徐河水經定州東入沙河其新開河北官司已開田種稻其隙地欲募人耕墾從之 大中祥符五年九月帝曰保州興置稻田地里漸廣知州高尹到彼並不具興修次第聞奏可密諭尹令常用心置仍逐月件析以聞其稻田務兵士或開數目無多宜令樞密院量與增差 天禧元年六月十一日知昇州丁謂言城北有後湖因旱百姓請佃計七十六頃鉅租五百五十餘貫今請依前蓄水種植菱蓮或遇亢旱次以溉田仍用蒲魚之利旁

濟民望量遣軍士開脩其租錢特與減放從之十二日
詔明州城外濠地及慈溪鄞縣陂湖所納課額永除之
許民溉田疇採菱芡二年十二月都官員外郎張若
谷言宣州化城圩水陸地八百八十餘頃歲納租米二
萬四千餘碩見屬永陽鎮監稅使臣勾當未得整肅望
置一使臣專領其事從之四年五月淮南勸農使王
貫之等導海州界石閘堰水入連水軍溉民田知濠州
定遠縣太子中舍江澤率部民修古塘堰貯水溉田民
獲其利詔並獎之仍令代還日考課引對因諭諸路勸
農司應塘堰可以利民者準此繕脩七月詔江淮南舊
有陂塘民請佃二十年以內者並許仍舊修葺自今不

許請佃內已種苗者俟收穫畢脩作二十年以上者依舊為主

食貨志

天聖四年八月監察御史王公上

相州開河渠引水溉民田利害詔候脩護黃河畢日規畫之公奏云渠田起于戰國魏襄王時東有全齊西有強秦韓魏在其前燕趙居其後干戈歲動封疆日蹙苟不盡其地利則為強國所吞故史起獻其謀曰魏氏之行田也以百畝鄴獨二百畝是田惡也漳水在其旁西門豹為鄴令請引之以載鄴以當魏之河內臣編觀史傳但載溉灌之饒不書疏導之法唯本州圖經稱有天

井堰者魏武帝所作二十里分十二重堰每堰相去三百步令互相灌注故左太冲魏都賦云壅流十二同原異口詳此則古來漳水本淺不與岸平湏就岸以開渠復臨渠而作堰則水流渠內渠灌田中蓋為渠之初必就高處渠行數里方達平田若水與岸平田接為渠甚易溉田不難則自國初以來庸常之人已能開之久矣又豈假臣之贅言而後隱度哉臣按史記云韓聞秦之好興事欲疲之無令東伐乃俾水工鄭國說秦令鑿渠引涇水並北山東注洛三百里欲以溉田中作而覺鄭國乃曰為韓延數年之命為秦建萬世之功秦以為然卒使就渠夫以強秦之力鑿一渠有何艱哉韓人乃云

欲疲之鄭國又云為韓延數年之命則是舉秦國之人而疲之數年然後能成之今若持此較彼則史起之引漳水豈止一朝一夕之功哉是必歲役萬人數歲而獲其利又鄭國鑿渠並北山東注洛三百里則是為渠之初須就高處本不與平田相接亦已明矣若與平田相接則澆灌之利豈能遠及三百里哉臣詳王軫房中正等相度漳渠事狀大抵云水車岸車高渠已堙塞若作堰開渠其功甚大則亦然矣若云渠堰雖成其水渾濁不堪溉田及所作之堰若遇川溢之時必復衝壞則是軫等不知溉田之方作堰之法臣按鄭白渠之引涇水也今在耀州之雲陽三原富平及京兆府之江陽高陵櫟

楊六縣緣渠皆立斗門多者至四千餘所以分水勢其
下別開水渠方以溉田則水有所分民無奔注之患且
其水最濁故稱涇水一石其泥數斗溉冀禾秦令反言
其水渾濁不堪溉田斯豈非不知而為知者耶又其作
堰之法或云皆用大石方四五尺者銅之以鐵積之如
陵岐彼中流擁為雙派其南流者乃為涇水其東注者
乃是二渠故雖駭浪不能壞古人苟不如此則年脩渠
歲歲作堰百姓豈有利哉今漳水之畔若復渠田乞朝
廷勘會雲陽縣若有上件渠堰斗門即乞精擇水工十
餘人偏詣該處模古人作堰開渠之法觀今人置斗門
溉田之方及命雲陽民自今犯罪當配者皆從相州教

百姓水種大蔣之利則其謀易成至如此邊本無水田
自從江南罪人于彼後來皆知水利臣昨于正月內上
疏乞命水工往鄭白渠觀彼疏導之制往衡漳之上鑿
而引之蓋亦慮磁相之民不知作渠法耳又詳王軫稱
若不開舊渠而截河作堰當役七十餘萬餘工若從
渠口開深一丈四尺當役十三萬餘工以臣籌之若渠
開二丈四尺則作堰之功可損半當併役五十萬工曰
萬人役五旬而罷若擇水工有計置依鄭白渠作堰之
法來岷山之石取礪陽之木給黎城之鐵扼中流據長
岍資木石之固作其堰馬上開大渠可成別派沿渠數
里分置斗門漸及平田必獲澆既之饒水東入御河或

遇川溢之時則于元渠之口下板以塞之以防奔注之患其磁魏那沼既居下流堤岸又淺或餘波可及或別渠可穿則所謂鄭國在前白渠起後又且首起谷口尾入櫟陽之類也夫如是則復三百年廢迹溉數萬頃良田雖役萬人數歲而畢亦不足為勞矣又詳王軫稱若開古渠則掘却民田而其萬金都領等尋之無迹者大凡開溝渠豈有不犯民田哉若不犯民田而能開之者雖更起復生亦不知計之安出其萬金等渠水之無迹者蓋本田之中歲久埋沒又詳王軫稱高平渠據百姓狀稱稅賦已重雖得水出利不得乞不脩堰檢會臣昨言乞于安陽水次作堰不以遠近百姓並許引水溉灌

蓋欲春夏旱時澆救二十村民田今軫曾不是思先議
致人憂疑不願灌溉斯豈恤民之旨哉又以堰成之後
安陽水少行舟不得虧却稅額夫以一渠之流不過減
本河數分之水安患舟不浮哉苟有利民雖虧稅其亦
末矣臣裁觀軫等事狀似不以古今利害徒采村落小
民壕寨軍將之語以斟酌三百年廢渠之迹其能盡其
術乎昔西門豹賢臣也史起尚以為不知用是不智也
況野人鄙卒之屬能盡知乎傳曰夫民可與樂成不可
與謀始又曰可使由之不可使知之今國家生民富庶
區夏乂安有陶唐擊壤之風無戰國交兵之事猶乃俯
從鄙議恢復農工此蓋不聞皇猷紹隆治本雖大禹之

疏濬川澤周人之均別廬井亦無以加矣 景祐元年十一月二十一日三司戶部副使王汾言磁相邢趙州已南州軍澆灌去處人戶種蒔稻田勘會西山一帶州軍即日開脩甚有地窪竊緣逐處少得稻種乞下衛州于種田務支借二百碩與人戶種蒔收成日依元數送納從之 慶厯三年十一月七日詔訪聞江南舊有圩田能禦水旱并兩浙地卑常多水災雖有隄防大丰盛廢及京東西亦有積潦之地舊常開決海河今罷役數年漸已堙塞復將為患宜令江淮兩浙荆湖京東京西路轉運司轄下州軍圩田并河渠隄堰陂塘之類合行開脩去處選官計工料每歲于二月間未農作時興役

半月即罷仍具逐處開修并所獲利濟大小事狀保明
聞奏當議等第時獎內有係災傷人戶即不得一例差
夫搔擾如吏民有知農桑可興廢利害許經運司陳述
件析利害盡時選官相度如委利濟亦即施行 四年
正月二十八日詔陂塘圩田之類及逐處隄堰河渠可
備水患者或能創置開決或久遠廢壞堙塞却能興復
或前人已興功未成後來接續了畢者仰逐處勘會功
料大小所利廣狹以聞十月權發遣戶部判官公事燕
度言竊關中水利古人所以富國近來亦有臣僚擘畫
澆灌者然州縣鮮能訪尋水勢疚心農務是致頻年亢
旱屢遭飢饉百姓流移軍儲不集近華州渭南知縣曹

公望嘗引敷水溉田甚廣民間頗稱利便却聞有妨為妨私家水磨遂訟于官雖州縣不行然水勢可以疏引澆溉去處不少似此盡為豪勢之家占為碾磴之利而州縣見年訟不敢盡心計畫欲乞特下陝西都轉運司令州縣能以水利澆溉民田廣闊者應私妨滯公私碾磴池沼諸般課利並須停廢不得爭占州縣仍不得受理詔三司詳定尋移陝西都轉運司就近相其利害于是本司言度擘畫委是經久之利從之五年九月二十八日兩浙提點刑獄宋純等言乞應在官有能擘劃開修水利並須先具所見利害于畫地圖申本屬州軍及轉運或提刑司委是本司于部下選官親詣地所相

度如寔合行開脩經久利濟荆門鄉者審取詣寔差官
具保明結罪申轉運所刑司體量允當方下本屬州軍
計夫料餉糧設法勸誘租利人戶情願出脩仍依元敕
于未農作時興役半月不得非時差擾候畢具元擘畫
官字依近詔保明施行如官吏敢擅開脩不預申本屬
不得理為勞績及出給公據保明仍勘事端施行從之
仍照今後委寔有功效並只理為勞績 皇祐元年正
月二十五日兩浙轉運司言知越州餘姚縣謝景初申
當縣陂湖三十一所並係衆戶植利蔭田內二十一所
見于圖經其間有被形勢豪强人戶請射作田納租課
後來遂廢水利去處雖累有詔敕及敕令山澤陂湖不

得占固即無明言不得請射營種及無簿籍拘管所以
官司因循請託或致受納賂遺令形勢豪強人戶請射
作田以起納租稅為名收作己業民田蔭溉之利其弊
不細請下本屬明置簿籍拘管永為衆戶蔭溉之利今
後更得以起納租稅為名輒行請射如違其所請人及
所給官司重行朝典本司欲依謝景初所請明置簿籍
拘管陂湖永充衆戶貯水蔭田更不許以起納租稅為
名請射仍令知縣常行檢察如違其所請頭主及給付
官司各乞嚴行勘斷奏聞事下三司三司相度乞今後
江淮兩浙荆湖路州軍如有陂湖明置簿籍拘管永為
衆戶貯水蔭田更不許人戶以起納租稅為名輒行請

射仍令知縣常行檢察如違其所請人及所給付官司
各重寘于法從之至和元年八月二十日光州仙居
縣令田淵言竊見江淮民田十分之中八九種稻春中
遇雨則耕耨布種常宜霑潤盛夏稍愆雨澤則其苗衰
薄所收微尠惟是陂塘修築堅固蓄水高廣則下所灌
田不以旱沴無不厚收訪聞民間不肯協力乘閒修作
雖私有文約愚頑之民多不聽從興工之時難為糾率
或矜強恃猾抑卑凌弱或只令幼小應數而坐俟其利
似此之類十居其半及用水之際爭來引注是以勞費
不均多起門訟勤力懦善之家受其弊故不能專志特
力用工興修是致因循極有遺利竊見京畿及京東京

西等路每歲初春差夫多為民田所興逐縣差官部押
或支移三五百里外工役罕有虛歲伏知江淮並不點
差夫殺當農隙之際一向安閑比之北地寔為優幸其
民于自己所利亦不能勤戶治生暫勞永逸誠宜勤率
若非官為拘督因時興作則私下雖有期會無由糾集
所興之工獲水之利十未得其一二欲乞諸路凡有陂
塘湖港可以溉田之處今後令逐縣將元籍所管及不
曾供報之處逐一拘收每年預先檢討工料各具折合
係使水人戶各有田段畝數據寔戶遠近各脩工料候
至初春本縣定日如差夫例點集入役仍逐處立團頭
陂長監催本州差逐縣官點檢部轄候畢責干係人結

罪供報仍別差官覆檢料例並視差夫條約後雖完固亦須每歲計度合添工料補疊隄防高厚則積水深廣獲利愈博其久來埋塞遺跡及地勢合有可以創置陂塘之處令逐處檢踏聽人戶所願經官申述亦即相度依例興修其有陂塘乾淺退出灘地却為接連之家侵占經久妄冒便作已田欄占不令依舊修作多起訟端官司不為研窮今後須仰定奪雖經歲深亦不得占護若向去添疊水勢過于舊跡亦當損少利衆其有水侵之地即令檢量據數比樸量減二稅及新創陂塘之處若有水面侵却不係使水之人田土亦乞準前例所差團頭陂長于上等戶內如差夫隊頭例選差仍給文貼

令董其役或遇大雨即率衆戶防守遇愆亢使水須衆議同開決自上及下均勻灌溉不得壅障所產魚蛤蒲葦蓮芡之類須秋成方得採捕乞明立條約若是盜決隄防情理重者嚴寘之法詔下三司施行 嘉祐五年五月知秀州羅拯言乞今後諸處湖廣及運河邊田土不得更令諸色人及官員請射如有私冒侵占耕作並以違制論仍不以年歲遠近令道理所得租課入官詔都水監相度以聞監司看詳蓋緣逐路轉運司及州縣並不檢條約舉行是致豪勢人將衆戶蓄水陂湖請射量出租稅有妨旱歲既救民田今欲乞下逐路轉運司依羅拯所請施行如違乞以違制科罪從之 七月六

日羅拯言昨差往兩浙路相度均定茶租竊見諸處係官湖廣并運河邊田土多被權要之家請射及鄰近鄉民侵占汚澱種作成田或量出租課入官其實微薄却致湖塘漸成湮廢有妨灌溉民田并運河因茲淺淤阻滯官司舟船如越州鑑湖自東漢時興脩著在圖籍周回三百餘里灌田數萬餘頃其為越人之利甚大近歲為貪黷之輩以權勢干請假託姓名占射殆遍欲乞今後諸處湖塘及運河邊田土不得更令請射如有私冒侵占耕作並科違制之罪仍不以年歲遠近令追理所得租課入官從之二十四日兩浙轉運司言睦州桐廬縣令劉公臣言民間有古溪澗溝渠泉源接連

江山

多被富豪之家漸次施工填築作田耕種無力之人田
畝接連或遇水旱並不約水溉田因茲害稼及訟于官
又為富豪人戶與賣產之家通為弊倖于文契并分居
帖內廣定四至包界溪源在內官司據而斷遣寔見不
均欲乞應天下郡縣鄉村有古來溪澗溝渠泉穴之處
並不得人戶作埭填築占據為主每遇春農之際並仰
有田分之家各據頃畝多少均攤出脩工力修開取令
深闊盛貯其水或遇水旱即據田畝輪番取人澆溉明
置文簿拘管官為印押給與本處鄉長收管或有貧人
下戶貿易田土與別主者亦據見佃之人承認水分違
者嚴寘之法本司看詳民間水利州縣自合依此施行

今劉公臣申述已下諸州軍令部內縣分應有古來溪
澗溝渠泉穴之處並不許人戶作堦填築占據水利仍
令逐縣置簿拘管常行點檢如遇水大即令決泄不得
壅遏却致浸沒民田若係旱歲亦須通放許令衆戶得
水救蔭田畝春時人戶願脩工開濶者從便即不得邀
難阻節雖已施行慮久不能遵守詔送詳定寬恤民力
所關兩浙提刑司定奪提刑司言欲依所請詔復送部
水監相度以聞監司看詳天下波湖塘堰溪澗溝渠泉
穴為強猾之人奪利侵占作田者甚多每至旱歲無水
澆救苗稼若依寬恤民力所相度劉公臣并兩浙轉運
司事理寔見可行欲乞下諸路提刑司遍下逐州縣應

有上件陂湖塘堰溪澗溝渠泉穴元係衆人所使水利
水來為人耕占作田合依所請施行仍先具根究地名
源流去處廣狹深淺合澆溉得多少人戶田土頃畝數
目申都水監從本監看詳施行仰本監置簿拘管歲時
檢舉所冀經久不廢詔可仍令逐處應有陂湖塘堰溪
澗溝渠泉穴如根究得元係衆人使水久來為人耕占
去處即更差官定奪奏候朝旨施行是月權三司使包
拯言京西多閒田而唐州治平四縣其田之入草莽者
十八九雖簡其賦徭而民多流去不能以還業知州趙
尚寬興復卻信臣渠并境內之陂塘下溉民田數萬頃
荒瘠之田變而沃壤今非獨流民自歸又有淮南河北

之民至者萬餘戶請且留再仕若更能招輯戶口特與
升陟差遣從之六年七月提點刑獄河北公事張問
言奉詔相度河北八州軍塘渠今若就塘出土作堤以蓄
西山之水則涉夏大河雖溢而民田無衝浸之害請下
逐處每歲增築從之

宋會要食貨志

英宗治平三年十一月都水監言勘會諸處陂澤本是停蓄水潦近年京畿諸路州縣例多水患詳見其因蓋為豪勢人戶耕犁高阜處土木侵疊陂澤之地為田於其間官司並不檢察或量起稅賦請射廣占耕種致每早火雨時行之際陂澤填塞無以容蓄遂致泛溢頗為民患不制其漸則盡為民患欲乞應天下州縣及京畿陂澤之類皆不得請射明立界址逐年舉行令地分鄉耆覺察不得容縱人戶侵耕許諸色人陳告每畝支賞錢三十以犯事人家財充仍不以年歲遠近並令追理所得地利入官如違其請射人并所給官司及侵耕之

人並科違制之罪從之 治平四年五月神宗即位未
及元京西南路安撫同郭申錫等言知唐州高賦在任
興建水利墾闢荒田戶口增民獲安便詔賦再任如更
能興置水利招添人戶開廣閑田仰轉運司畫祈保明
以聞當議特與陞步 方域志 英宗治平三年三月
命同判都水監張鞏與河北轉運使沈立度治澶州上
六塔河

食貨志 神宗熙寧元年六月十一日中書言諸州縣
古迹陂塘異時皆蓄水溉田民利數陪近歲所在堙廢
致無以防救旱災及頻江圩埤毀壞者衆坐視沃土民
不得耕詔諸路監司訪尋轄下州縣可興復水利之處

如能設勸誘興修塘堰圩埧功利有實即具所增田
稅地利保明以聞當議旌罷 二年四月十六日權三
司使公事吳充言竊見前襄州宜城縣令朱絃在任日
修復水渠不費公家束薪斛粟而民樂趨之渠成所溉
六十餘頃數邑蒙其利今授唐州此陽縣令乞召絃赴
闕詢其利害如可試用乞聽其勞詔轉大理寺丞閏十
一月十五日提舉兩浙常平等事祕書丞侯叔獻徙開
封界都官員外郎提舉開封府界常平等事林英徙兩
浙路以叔獻言汴河歲漕東南六百萬斛浮江浙淮更
數千里計其所費率數石而致一碩雖中都之粟用饒
而六路之民實受其幣夫千里餽糧軍志所忌矧京師

帝居天下輻臻人物之富兵甲之饒不知幾百里數夫以數百萬之衆而仰給於東南千里之外此未為策之得也臣伏思之汾河兩岸沃壤千里而夾河之間多有牧馬地及公私廢田畧計二萬餘頃計馬而牧不過用地之半則是萬有餘頃常為不耕之地此遺利之最大者也觀其地勢利於行水最宜稻田欲望於汴河南岸稍置斗門泄其餘水分為支渠及引京索河并二十六陂水以灌之則環畿甸間歲可以得穀數百萬以給兵食此減漕省卒富國強兵之術也故叔獻代英仍令計會所屬相度具經久利害以聞十二月二十三日條例司乞差祕書省著為佐郎同管勾廣南東路常平等事

楊汲同提舉開封府界常平等事同祕書丞侯叔獻於
大河引汴水以溉民田從之三年正月二十四日條
制司言進士程義路隨侯叔獻楊汲等十河利害文字實知
水利欲令義路隨侯叔獻楊汲等以備指引仍給驛券
視三班借職從之二月二日都水監言中牟縣曹村袁
家地可泐水達一坐水漲出時任其自流比之修斗門
倍省工費又因而可以淤民田千餘頃從之二月三日
制置三司條例司言同判都水監張鞏等相度得中牟
縣界曹村泐置水達一坐遇漲水時任其自流比之修
斗門大省費又更灌二十餘里民田都計五十餘里約
千有餘頃所有合用人功物料委京西都大司支那應

副乞依所奏施行從之二月二十六日補潭州湘陰縣進士李度為本州長吏仍詔本路候有合修水利令勾當以監司言度嘉祐中率人修築兩鄉塘堤灌溉民田常賜粟帛復徭役故也四月五日制置三司條例司言據提舉河北路常平廣惠倉皮公弼言懷州官吏同相度到境內秦河丹河汜河等可以引水澆溉然體問民間多不願興修水利蓋慮起立粳稻米水稅已議差官按驗仍體問洺鎮趙等州亦有溝渠河道可以興置水利民間多恐官司創立粳稻水稅久遠輸納不前公弼看詳興置水利係朝廷勅新施行若不設法招誘入戶無由肯用心致州縣亦難興置欲乞應人戶今來創新

修到渠堰引水溉田種到粳稻並只令依舊管稅更不
增添水稅名額所貴人戶各肯興修水利制置使相度
欲依所請下河北東陝西路施行從之九月二十一日
以知密州尚書兵部郎中集賢殿修撰張勗知滄州兵
部郎中楚建中為河北轉運司遣殿中丞陳世修乘驛
同京西淮南農水利司官經度陳穎州八丈溝故迹以
聞修言陳州項城縣界蔡河東岸有八丈溝或斷或續
迤遞東去由穎及壽綿亘三百餘里乞因其故道量加
濬治完復大江虎流龍八尺等處陂塘導水行溝中俾
數百里地復為稻田則其利百倍及上於是上諭世修
言陳許間地勢止合作水田甚善又令早應副世修事

王安石曰世修言引水事即可試但言八溝溝新河事
宜俟一精於水事人同相度可也向時八大溝止為鄧
艾當時不賴蔡河漕運得并水東下故能大興水田其
後蔡河分其水漕運水不可并故溝未可講今蔡河新
修閘無所用水即水可并而溝可復古迹矣故有是命
十二月八日梓州路轉運判官李竦言奉詔令具財用
利害事伏見江淮荆楚之地民業窳薄卒以水田為生
地多瀕江帶山高下不等雖有耕耘之勞而罕勤隄防
之利雨暘稍愆常度必羅曠潦之災雖有編救興復水
利指揮而郡縣必能用心詢采臣前任知舒州太湖縣
日訪聞諸鄉民田有邊臨溪江者頻歲力耕疾種不潦

則旱體問得皆有古來隄堰瀦洩水勢或因積年大水
決潰因循不復修完臣因乘其農隙勸募傍近地主備
工料興築民俗始未堅信粗亦勉從凡築成隄岸數處
次年積雨溪江暴泛所障遂免浸溺自昔不植之地一
旦遂為膏壤遂令復加增葺衆始悅隨尋屬臣去約太
湖所修十未一二以天下計之遺利固亦多矣欲乞特
詔郡縣委長吏令佐訪求境內古來陂堰積年毀壞荒
廢者并諸色人具利害興脩次第指陳官司預行計度
俾因歲豐暇據占以植地利人戶以頃畝多少為率勸
誘出備工料興修或量破廣惠倉斛斛以充口食不得
以威刑驅逼并專行覺察公人耆保等接便搔擾俟興

築畢工本州申提刑轉運司委官檢視及候秋成的免
水旱之患其勸督之官乞依編救量功利大小特行酬
獎元指陳修築人亦與免本戶一次色役人戶例不該
差役之人即量給小可酒稅場務充賞所貴地利不遺
民食充衍詔淮南提舉常平廣惠倉司相度施行十二
月二十七日京西轉運司言許州長社等縣有收馬草
地四百餘頃先為不堪牧放權令人租今相度可以拘
收入官決邢山潁河石限等水溉種稻田從之 四年
六月十九詔司農寺選官經量汴河兩岸淤到官陂地
地逃田等名人請射租田二十四日又詔諸州縣當職
官如擘畫興修農田水利事並先具利害申轉運或提

刑提舉司差官詣地相度保明供申本司疾速體訪施行如能完復陂塘溝河或導引諸水淤溉民田修貼堤埧或䟽決積潦水害或召募開墾久廢荒田委堪耕種令所屬官司結罪以聞千項以上京朝官轉一資幕職州縣官勘會功過考第舉主轉合入京朝官或與循資不拘名次指射優便差遣五百項以上京朝官減三年磨勘幕職官與循資令錄及合入令錄人與兩使職官判司簿尉與初等職官內合守選者仍與免選三項以上京朝官減三年磨勘選人免選注家便官合免選者與指射優便官二項以上京朝官減一年磨勘選人並與免選合免選者與指射家便官百項以上理為勞績

若只是興修開墾近歲損壞陂圩溝河荒田之類比附
上條項畝為第一等酬獎若功利殊常自從朝廷旌擢
其已能勸置增修功利及民者委官司常行葺治如至
廢壞並當降黜五年正月兩浙轉運司副使俞希旦
言伏覩朝廷興修天下農田水利此萬世之長圖其間
有昔日溝港而今為田畝䟽導水患須至開決緣未有
條約竊慮官吏有便廢民田為溝港致侵於民亦有可
以䟽鑿而未敢以興工致利害有所未盡欲乞應興水
利處有合開決民田者即以官田計其項畝撥還田戶
如無田可撥即計田給直詔送司農寺遂移兩浙轉運
提舉倉司看詳所請為利尚慮將來法行之後州縣不

計田土肥瘠高下一例以步畝準折撥還或虧損百姓
欲立闕防其給還民田之時州縣並須依色額支撥官
田不得將瘠薄不堪耕佃田土只以步畝抵數還民內
官田雖比元田薄而堪耕佃有願請者即兩倍其直紐
計步數準折撥還從之五月十八日詔應人戶見耕占
古迹陂塘地土如可興修澆灌委實利便其所占地土
始係祖業即依鄉原例支給價錢收買除破省稅如地
內見有墳墓舍屋仍量給還葬拆修功錢係請射者即
與破稅如施功開墾量給功直以上合支錢并合修斗
門木石如食利人戶物力出辦不及即許於常平倉官
錢內支破仍令提轉倉司候相度得利便即先具澆灌

頃畝及合用人功物料諸般支費錢物實數保明聞奏
十九日提舉京西常平等事陳世修言乞於唐州石橋
南北岸疊石為馬頭造虹橋架過河道於橋梁下柱透
槽橫絕過河引水入東邵渠灌注九子等十五陂則二
百里之間終冬水利均浹詔知唐州蘇涓覆視如實即
委世修提舉朔造十一月十七日權發遣都水監丞周
良孺言奉詔相度陝西提舉常平楊蟠所議洪口水利
今與涇陽知縣侯可等相度欲就石門創口引入侯可
所議鑿小鄭泉新渠南涇水合西而為一引水並高隨
古鄭渠南岸今自石門以北已開鑿二丈四尺此處用
堰約起涇水入新渠行可溉田二萬餘頃若開渠直至

三限口合入白渠則其利愈多然慮功大難成若且依
可等新陳迴渠行十里雖溉兩旁高阜不及然用功不
多既鑿石為洪口則經久無遷徙之弊若更開渠至臨
涇鎮城東就高入白渠則水行二十五里灌溉益多或
不以功大為難成遂開渠直至三限口五十餘里下接
耀州雲陽界則所溉田可及三萬餘頃雖用功稍多然
獲利亦速詔用良孺議自石門創口至三限口合入白
渠興修差蟠可提舉又令入內供奉官黃懷信乘驛度
功料先是上問鄭渠利害王安石曰此事正與唐州邵
渠事相類從高寫水決無可慮陛下若捐常平息錢助
民興作何善如之上曰縱用內藏錢亦何惜也初宰相

王安石奏事因陳天下水利極有興治處民間已獲其利上曰灌溉之利農事大本但陝西河東民素不習此今既享其利後必有繼為之者然三白渠為利尤大兼有舊迹自可極力興修大凡疏積水須自下流開導則畎澮易治書所謂濬畎澮距川者是也十二月二日又詔應有開墾廢田興修水利建立隄防修貼圩埤之類工役浩大力所不能給者許受利入戶於常平倉係官錢斛內連狀借貸支用仍依青苗錢例作兩限或三限送納只令出息二分如是係官錢斛支借不足亦許州縣勸誘物力人出錢借貸依鄉原例出息官為置簿及時催理四日權發遣河北兩路提刑公事李南公言相

度撲橋口添灌東塘等詔閩士良專督修先是滄州北
三堂等塘泊為黃河所注其後大河改道而泊遂淤澱
程昉嘗請開琵琶灣引黃河水灌之其功不成士良建
言堰絕御河引西塘水灌之今從其請十二月十八日
提舉淮南西路常平倉司言濠州鍾離長安堰定遠縣
楚漢泉二堰水利至博積年湮廢乞依宿亳泗州例賜
常平錢穀春初募人興修詔楊汲覆視如可興即本司
官提舉 六年五月五十三日提舉兩浙興修水利
郊置追司農寺丞送吏部流內銓仍罷修兩浙水利初
賈言蘇州水利具書與圖以為環湖之地稍低常多水
沿海之地稍高常多旱故古人沿水之迹縱則有浦橫

則有塘又有門堰涇漚而碁布之亶所能言者總二百六十餘所今欲畧循人之法七里為一縱浦十里為一橫塘又因出土以為堤岸用度二十萬夫水治高田旱治下澤要以三年而蘇之田畢治矣朝廷始得亶書以為可行遂除司農寺丞令提舉興修工役既興而民以為擾會呂惠卿被名言其措置乖方又違先降朝旨故有是命六月十六日命太子中允集賢校理檢正中書刑房公事沈括相度兩浙路農田水利差役等事八月二日檢正中書刑房公事沈括辟官相度兩浙水利上曰此事必可行否王安石等曰括乃土人習知其利害性亦謹密宜不敢輕舉上曰事當審計無如郊亶妄作

中道而止為害不細也三日三司言荆西諸州水患久
不涸障隄防川潰多皆堙廢今若一出民力必難成功
乞下司農貸官錢募民興役從之

七年四月八日檢正中

書刑房公事沈括先奉朝旨許支兩浙陂湖等遺利錢
興修水利近勘會本路先管遺利錢額及再差官根究
興修見未周徧已見貫萬不少竊見兩浙荒廢隱占遺
利尚多及溫台明州以東海灘塗地可以興築堤堰圍
裏耕種頃畝浩瀚可以盡行根究修築收納地利將來
應副水利養雇人夫及貼支吏祿免致侵耗免役及係
省錢物雖曾差官勾當緣不在本路無人應副欲乞特
降朝旨選委官吏仍乞優立獎勸之法詔宜令沈括選
委官吏勾當仍立獎勸之法以聞八月九日中書門下

言諸處見差官吏舉人聲畫興修農田水利未見奏到
興修次第及結絕了當詔令司農寺條析以聞寺司勘
會府界諸縣荒閑地土名人開種稻田并陳許州溉田
及兩浙永興軍等路水利河中府同解等州淤田回移
洪口等已相度并已未興修次第係差官員舉人管勾
去處詔令司農寺常切點檢催促九月一日臣僚上言
伏見朝廷近年廣興工利頗有不實互相隱蔽未經考
察欲乞令司農寺畫具已興過功利申書置籍拘管間
或選官計會逐路監司指名按驗具的實事狀連書結
罪聞奏其不實之人并元保明官司並乞重寘于法以
戒欺罔詔應已興修水利宜令司農寺置簿拘管如朝

廷差官出外即本寺申中令令取索因便體訪如有不
實不當即按驗指實以聞十月十三日以皇城使端州
刺史程昉遙領達州團練使昉治濬洹河議者爭出所
見謂非利昉確不移既而水行人便之上嘉焉進官以
賞之八年五月二十五日右班殿直勾當修內司楊
琰言開封陳留咸平三縣種稻乞於陳留縣界舊汴河
下口因新舊二堤之間修築水塘用碎甃築成虛堤五
步以來取汴河清水入塘灌溉詔琰管勾罷勾當修內
司依舊兼巡護惠民蔡河京索金水河斗門堤岸河道
令開封府界提點司提舉俟灌溉有實保明以聞九月
二十三日詔諸當職官申請興修農田水利謂開修陂

塘溝河導引諸水淤溉民田或貼堤岸疏決積潦永除
水害或召募開墾久廢荒田之類委堪耕種者並先具
利害功料申提舉司體訪詣實差官檢覆功利大者知
州交職事與以次官親行檢驗俟興修畢委本縣次第
保明申提舉司本司選差別州縣官覆按保明申本司
本司保明申等如元係監司提舉司官擘畫即本司申
寺差隣路官計會本州縣官共覆按保明申寺千頃與
第一等酬獎七百頃第二等五百頃與第三等三百頃
與四等一百頃與第五等若擘畫而不曾監修及監修
而元非擘畫并埋塞廢壞不滿二十年而田舊功完復
者各降一等其數少未應賞格者委提舉司保明給公

據以任計酬獎其功利殊常者申寺奏裁 九年正月
二十五日中書門下言相度淮南東西路水利劉瑾言
體訪得楊州江都縣古鹽河高郵縣陳公塘等湖天長
縣白馬塘沛塘楚州寶應縣泥港射馬港山陽縣渡塘
溝龍興浦淮陰縣青州濶宿州虹縣萬安湖小河子壽
州安豐芍陂子等今欲除古鹽河萬安湖小河子已令
司農寺結絕餘下逐路轉運司選官覆按施行如本路
職司有妨礙即委別路選官從之七月二十八日罷程
昉同管勾外都水監丞令都大制置河北河防水利並
依制置屯田使例施行續詔更不別置司其職事並依
外都水監丞例施行八月二十四日權判都水監程師

孟言臣昔提點河東刑獄兼河渠事本路多土山旁有川谷每春夏大雨水濁如黃河礮山水俗謂之天河水可以淤田絳州正平縣南董村旁有馬壁谷水勸誘民得錢千八百緡買地開渠淤瘠田五百餘頃州縣有天河水及泉源處開渠築堰皆成沃壤凡九州二十六縣興修田四千二百餘頃并修復舊田五千八百餘頃計萬八千餘頃嘉祐五年畢功攢成水利圖經二卷付州縣遵行迨今十七年間董村田畝舊值兩三千所收穀五七斗自淤後其直三倍所收至三兩碩今權領都水淤田竊見累歲淤變京東西鹹鹵之地盡成膏腴為利極大尚慮河東路荒瘠之田可引天河淤溉乞委都水

監選差官往與農田水利司并逐縣令佐檢視有可淤之處具頃畝功料以聞俟修畢差次酬賞從之於是奏遣都水監丞耿玘主管於河東路田

神宗元豐元年

四月十九日詔興水利聽民戶貸常平錢穀

詳見農田門

六月七日京東路體量安撫黃廉言本路被水後乞勅有司檢討溝河候豐熟令所屬調丁夫濬治梁山張澤兩滌累歲填淤浸損民田亦乞自下流濬至濱州從之開濬溝河令都水監遣官同轉運司檢視工料十四日詔聞近畿路有苦雨處令開封府界提點司督諸縣開畝積水具退出民田次第以聞京東西路州軍委轉運司施行

三年七月十二日詔前永興軍等路察訪

使李承之前知司農寺丞莊岳前提舉常平倉沈披察
滕轉運判官章案楊端各碾磨勘三年提點刑獄李南
公轉運使趙瞻展二年前轉運使張詵楚建中各贖銅
二十斤坐保明修永興洪口不當也 六年十二月二
十一日尚書戶部狀新權提舉成都府路常平等事韓
玠言唐州泌陽縣界馬仁陂遺利乞下京西南路提舉
司相度從之 七年三月三日知桐州蒲中行言林
慮縣南修合澗河水以濟民用功既及人有孟兒等料
鑿井取水十年百八十尺不及泉民以為勞而無功寧
遠行汲水以初奉朝旨未敢罷詔罷之

宗崇寧三年十月二十三日臣僚言元豐官制水部掌
川瀆河渠凡水政詳立法之意非徒為穿塞開導修舉
目前而已天下水利凡當興修者皆在所掌宜發明之
以告于上在今尤急如荆右積水比連震澤泛溢滄浸
田廬未有歸宿此類利害最宜講明而未之及者也願
申飭水部及當職官推廣元豐修明水政凡當興修悉
究利害條具以聞從之 大觀四年十月一日戶部言
提舉兩浙路常平司奏乞詔諸路常平司專委守令詢
考古迹應潄水之地立堤防之限置籍拘管俾公私無
得侵占凡民田不近水處畧倣周官遂人稻人溝防之
制使合衆力而為之者詳欲下諸路提舉司詳此丁寧

州縣常切檢舉相度依詳勅條施行從之 政和元年
三月十四日詔近因陳仲宜等言諸路湖陂池塘陂澤
緣供贍學費增收遺利縱許豪富有力之家薄輸課利
占固專據其利馴致貧窶細民頓失採取蓮荷蒲藕菱
芡魚蟹蝦蜆螺蚌之類不能糊口營生若非供納厚利
於豪戶則無繇肯放漁採兼遇時雨稍愆即成災傷蠲
除租課遺棄地利因被阻飢推究始終為患頗大理合
改更令檢會行下諸路先是荆湖北路提點刑獄公事
陳仲宜奏本路州縣將久來衆共灌溉食利陂湖一槩
比附坊場令人戶買撲收錢以助學費致妨人戶灌溉
及細民食利為害不細已牒諸州并提舉學事司依法

改正施行去訖竊慮諸州不便施行望降睿旨又提舉
淮南西路常平等事李西美奏蘄州等處沿江湖池不
少自來係衆人採取小民所賴向緣縣學支費令人戶
請佃出課欲依已得指揮改正故有是詔二十一日詔
弛陂湖塘濞之禁依元豐舊法與衆共利聽其汲引灌
溉及許瀕水之民漁採以資生計所有勅許人戶作遺
利斷撲供納課利以助學費可改正不施行今後更不
許人陳乞斷佃請射監司常切覺察如有違犯糾劾以
聞十月二日臣僚言蘇湖秀三州並江積水歲為患故
須圩岸以障越州有鑑湖租三十萬法許興修水利支
用乞令本路提舉常平司委三州令佐相視創立圩岸

工用之費取足於鑑湖錢糧從之

四年二月十五日

工部言前太平州軍事判官盧宗原請開修自江州至真州古來河道湮塞者凡七處以成運河入浙西一百五十里可避一千六百里大江風濤之患凡用夫五百二十六萬一千一百七十五工米五萬七千八百三十五碩又可就工興築自古江水浸沒膏腴田自三百頃至萬頃者凡九所計四萬二千餘頃其三百頃以下者又過之乞依宗原任太平州判官日已興政和圩田例召人戶自備財力興修更不用官錢糧仍依府畿見行興修水利法不限等第許請佃歲約得官租一百餘萬貫碩若朝廷專遣官總核興修衆工並舉一年之間可

見成効詔差膳部員外郎沈鱗同本路常平官相度措置仍差盧宗原充幹當公事三月二十日膳部員外郎沈鱗奏奉詔相度措置江淮兩浙路開修運河興築圩田據幹當公事盧宗原狀合開修河路係官司措置外有可興圩田係涉江淮兩浙水路已曾申明乞依都畿見行興修水利法不限等第許人戶請佃情願隨力各借錢米慮人戶不知今來朝廷許令請佃若相度措置得有合修地上去處即乞先次令逐處官司散出榜示告諭人戶送納投狀理定名次至興修有日令人戶送納興修錢糧成田日依次給田從之五月二十三日京西轉運副使張徽言二浙雖遇豐歲蠲除稅賦不下三

四十萬碩皆隄防不修溝洫不濬欲申敕所屬監司督
責州縣各審視境內合興修隄防溝洫以利害大小急
緩為先後具圖狀先申朝廷逐時檢舉催督接續興修
雖農田水利隸常平司乞轉運司同共催督從之 六
年八月四日尚書省言平江府司戶曹事趙霖相度平
江府積水舊有三十六浦導其水歸于江海又為之開
以通積水今堙塞殆盡措置當興修并置閘等共用役
夫一千七百五十六萬五千餘工錢一百四萬二千餘
貫米五十二萬六千餘石又發運副使應安道委官相
視港浦六處堙塞合行先開共役夫二百八十萬八千
餘工合用錢糧二十四萬七千餘貫碩秀州華亭縣欲

並循古法盡去諸堰各置小斗門常州鎮江府望亭鎮
合依舊置閘詔劉興趙霖相度保明聞奏十六日鴻臚
卿王仲薏奏兩浙積水之地多是民田止因興築圍岸
苟簡減裂歲時風水衝蕩彌漫遂成陂湖望朝廷選差
有風力人專行計置興築圍岸其所差官據圍裹過田
數多寡特與推恩庶幾激勸詔送趙霖施行十月六日
新差權發遣提舉兩浙路常平等事趙霖言奉詔相度
平江府積水其諸路監司州縣承受備坐前項指揮如
有稽緩因致闕悞去處欲乞以違制論合用錢米踏逐
到越州鑑湖封橋米欲乞支撥一十萬石并借支本諸
州常平本錢一十萬貫文如闕則以常平米及常平封

椿錢貼支并乞降空名度牒二千道承信郎承節郎將仕郎官誥各五十道其命詞並令以興修水利為名別立價直將逐浦合用工料召有力人戶出借錢米官為募夫監部開修或一戶數戶管一浦候畢工日計實用錢米紐直給空名許令變賣書填名募出賣不得抑勒仍不依進納出身人例以為勸誘之方今來措置興修積水開浦置閘並在平江府界內欲乞權就本府置局以提舉措置興修水利為名其差辟到官吏居泊供給人從仍令並就平江府應副工作日應閘匠每人別給工錢一百文米三升詔並依所奏施行十二月四日提舉兩浙路常平等事兼提舉措置興修水利趙霖奏興

修水利未盡事湖常秀三州見行方田去處候興修水利稍見就緒日施行庶使數州之民悉力以成大利批降依奏指揮支撥越州鑑湖封樁錢米他司別有陳請支撥欲乞許臣執奏及開浦置閘雇募夫力縣分知佐自十一月止二月諸司不許差出從之七年正月二十日臣僚言趙霖興役治水蘇杭等州去歲災傷疾疫民力正宜休息詔罷役霖別與差遣七月六日提點京畿刑獄公事王本奏前任提舉京畿常平日根括諸縣天荒瘠鹵地開修水田引水種稻逐年所收土利不少將引水不利之地一萬二千餘頃並置圖籍拘管入稻田務召人承佃數內已佃五千三百餘頃蒙朝廷立定

賞格已足激勸尚慮逐縣令佐不切奉行却致荒廢欲
乞朝旨比附鹽事司開墾鹽地賞格推賞詔依申明行
下宣和元年二月十四日臣僚言訪聞江淮荆漢間
荒瘠彌望率古人一畝十鍾之地其堤閘水門溝澮之
迹迤邐猶存而郡縣恬不以為意近絳州百姓呂平等
詣御史臺披訴乞開濬熙寧舊渠以廣浸灌情願加稅
一等則是近陂池之利且廢矣何暇議復古哉欲詔常
平使者有興修水利功效明白則亟以名聞特與褒除
以勵能者從之三月二十三日詔直祕閣提舉兩浙路
常平趙霖降兩官以增修水利不當故也六月七日詔
比遣趙霖措置興修吳淞水利霖召募被水艱食之民

凡役工二百七十八萬二千四百有奇開一江一港四
浦五十八瀆已見成績霖可陞職一等仍復所降兩官
其後十月十日詔趙霖差別到水利官屬具等第職位
姓名聞奏當優與推賞八月二十四日提舉專切措置
永利農田所浙西諸縣各有陂湖溝港涇洪湖濠自來
蓄水灌溉及官私舟船往還今欲就委打量官遍詣鄉
村檢踏應有似此去處打量並見丈尺四至著望用大
石碑雕鐫地名丈尺四至以十字文為號於界省分明
標識仍曉示地分食利人戶常切照無令損動堙塞請
占縣別置簿拘收縣尉遇下鄉檢察如有堙塞即時開
濬從之三年二月一日詔越州鑑湖明州廣德湖白

措置為田下流埋塞有妨灌溉致失臨常賦又請田人多是新舊權勢之家廣占頃畝公肆請求兩州被害民戶例多流徙仰陳亨伯體究諸實如所納租稅過重即相度減免立為中制應妨下流灌溉處並當弛以與民令條畫圖上取旨毋得觀望減裂三月十九日詔江南路官私圩埭有司希功妄作或輒將上流閉塞致下流無水灌溉或壅遏無所發泄致鄰左例遭水患及有元供頃畝數多後來實數不及輒數與民戶或勒令等第承佃或抑配倍納租賦因此多致民戶流徙可限十日改正見妨民戶灌溉及擁遏無發泄者所屬監司相度措置或弛以予民所輸稅賦比附鄰近立為永制如尚

教營私觀望許民戶越訴當議重行黜責 五年五月
四日臣僚言鎮江府練湖與新豐塘地里相接八百餘
頃灌溉四縣民田每歲春夏雨水漲滿側近百姓引灌
田苗縱秋無雨亦不慮旱漕河水淺湖水灌注是以一
寸並河一尺其來久矣今湖堤四岸多有損缺春夏不
能貯水終至少雨則民田便稱旱傷縣官又禁止民間
不得引湖水灌田且以並河為務故丹陽等縣民田失
於灌溉虧損稅賦欲令食利縣分候農隙日次第補葺
隄防詔本路漕臣并本州縣當職官詳度利害檢計合
用功料以聞 七年九月二十二日詔以徽猷閣待制
知江寧府盧襄為顯謨閣直學士江東路提點刑獄常

平官各轉一官以能奉詔體國罷丹陽固城石臼三湖
為圩田及言開銀林河事為不急之務切中時弊也

食貨志

哲宗元祐六年閏八月四日知杭州林希言
太湖積水未退為蘇湖大患乞專委監司躬詣瀕海池

水處相度開決庶使積水漸退民田復出派移歸業詔
左朝奉郎邵光與本路監司同導積水

元符元年二月十六日工部言河
北屯田司令塘水深淺季申尚書工部今後塘泊州軍
率於孟月保明所管地分塘水增減尺寸徑報屯田司
候到差官檢覆本司于仲月審察詣實保奏仍具申本
部從之

全唐文

水利三

宋會要食貨志

欽宗靖康元年三月一日臣僚言東南地瀕江海舊有陂湖蓄水以備旱歲近年以來盡廢為田澇則水為之增益旱則無灌溉之利而湖之為田亦旱矣民既承佃無復可脫租稅悉歸御前而漕司暗虧常賦多致數百萬斛而民之失業者衆矣乞盡罷東南廢湖為田者復以為湖詔令逐路轉運常平司計度以聞續國朝會要一高宗紹興元年九月七日三省言宣州太平州圩田歲入租課浩瀚近緣賊馬蹂踐掘破圩岸及佃戶逃亡未歸荒閑甚多詔令逐州守臣將缺壞圩岸疾速措置如法修治人

戶耕種內合工料並見佃貧乏無力人戶並許取撥常平錢米量行應副及借貸支使 二年正月一日詔宣

州太平州見修治圩田逐州當職官能趁時興修了當將來收租稅及選人改合入官京官轉一官更減二年磨勘如遇期違慢仰提刑司具名按劾官取旨重行勒停人吏決配十二月三日知太平府張鎰言本州管下公私荒閑水田甚多今欲廣行召募修圩開墾其糧種據所佃頃畝多寡立法官中量為借貸候至秋米成熟將所借物數分料尅還縣丞或主簿一員專為勸誘催督歲終較請佃之數以其多者之行推賞仍欲踏逐指差大小使臣兩員充本州準備使喚幹辦農田事務從

之十六日詔太平州諸縣興修圩岸錢米及借貸人戶
種糧令於宣州常平義倉等米內取撥一萬石仍令太
平州認數候將來圩地收成日却行撥還 二年三月
二十七日都省言太平州宣州圩田累降指揮專委太
平州守臣張鈞宣州通判樊滋同本路漕臣提刑司併
工修治尚慮不切用心理當專責帥臣提總其事詔專
委李光 三年三月二十九日紹興府上虞令趙不搖
言本縣所管夏蓋等湖一十三處自廢湖為田租米皆
屬御前省稅即隸戶部官吏知有湖田數千碩之利而
不知奪此水利檢放省稅歲乃至萬碩建炎以後湖租
盡入戶部然未之廢廢之誠使吏部侍郎李光言一方

利病莫甚於湖田大抵湖高於田又高於江海水少則泄湖水入田水多則泄田水入湖故無水旱之歲荒廢之田也自政和以來樓異知明州王仲疑知越州內交權臣專務應奉將兩郡陂湖廢為田澇則增溢不已旱則無灌溉之利而湖之為田亦旱矣百姓失業者不可勝計望下轉運司比較自興湖以來所失常賦與湖田所得孰多孰少檢會祖宗條法應東南郡自政和以來以湖為田者復以為湖詔戶部工部看詳本部言昨據紹興府上虞縣丘襄等狀稱靖康元年三月內降指揮盡罷東南廢湖為田者復以為湖令逐路轉運等司同共相度利害聞奏乞先次廢罷本縣夏蓋湖田遂行下

兩浙提刑司施行去後雖據本司申到因依聞奏當時緣未見靖康間轉運司曾如何相度具奏有無畫到指揮再下提刑司從長相度申部未到詔令張守限三日相度具經久的確利害以聞五月十日知紹興府張守言被旨令相度上虞餘姚兩縣湖田復廢為湖經久利害以聞守契勘民戶所納苗米較兩年號為豐熟但秋夏雨水稍不應時其減放之數以湖田所寧收補折外官中已暗失米計四千二百餘碩民間所失當復數倍今相度先將餘姚上虞湖田復廢為湖委是經久有利無害伏望早賜施行詔依仍己自紹興三年正月為始四月一日詔宣州見興修官私圩田可改委新除守臣李

處勵措置並依樊滋前後已得指揮疾速施行其樊滋不合專輟工役限一日分析不奉行因依以聞二日詔江南東路轉判運官陳敏識將宣州見管常平義倉并惠民圩租一萬九千七百餘碩於內支撥一萬三千碩與太平州外餘數撥付宣州並專充貸借圩田民戶使用同守臣疾速勸民耕佃四年二月八日兩浙西路宣諭胡蒙言乞行下兩浙諸州軍府委官相度管下縣分鄉村勸誘有田產上中戶量出工料相度利害預行補治堤防圩岸等以備水患庶免將來有害民田詔各與本路轉運司相度施行九月二十二日太平州言當塗縣管下舊有路西湖傍有姑^跋聳港係通宣徽州界每

遇春夏山水泛漲自港入湖出海塘港入本州姑溪湖

通大江

出

所以諸圩無水患止因政和二年本州將路

西湖興修作政和圩自後山水無以發泄遂致衝決圩

埭損害田苗乞廢田依舊開掘為湖戶部下本路轉運

提刑司同共相度逐司言決圩為湖委是經久利便從

之五年閏二月二日江南東路轉運司言契勘太平

州管下當塗蕪湖繁昌等三縣圩田所收租米萬數浩

大因去歲春夏雨水連綿江湖泛溢衝決圩岸已蒙朝

廷支降到圩米一萬碩應付見行修築欲依紹興二年

正月內指揮推恩庶幾有以激勸從之四日知湖州李

光言自壬子歲入朝首論明越間廢湖為田之害蒙獨

罷餘姚上虞兩邑湖田其會稽之鑑湖鄞之廣德湖蕭山之湘湖等處其類甚多州縣官往往利為主田頑猾之民應而獻計侵耕盜種上下相蒙未肯盡行廢罷竊謂二浙每歲秋租大數不下百五十萬斛蘇湖明越其數太半朝廷經費之源實本於此伏望專委漕臣遍行郡邑延問父老考究漢唐之遺制檢舉祖宗之成法應明越湖田盡行廢罷內有積菱葑淺淤去處許於農隙量差食利戶旋行開撩稍假歲月盡復為湖詔逐路轉運限半月躬親前去相度利害申尚書省 六年九月二十三日温州進士張願言今歲旱凶遠此窮冬民食已艱惟水利一事可行於此時今已孟春農隙乘民之

食仍興是役用以振之一舉而兩得本州委瑞安縣主簿同張願前去集善鄉閭山湖勸率豪戶情願出備穀米給散貧乏人同共修築陂塘蓄水灌溉因便賑濟小民千餘家各免饑乏功效尤著緣此以迨及遠互相依傲之人頗衆貧民賴以兼濟望朝廷特行推賞願召赴行在都堂審察 七年三月十九日兩浙西路安撫制置大使兼知臨安府呂頤浩言五代時馬氏名犯廟諱據湖南潭州東二十里因諸山之泉築堤瀦水號曰龜塘灌溉公私一萬餘頃惠民一方其後堤堰廢壞經百餘年有失修治去年旱災民皆失食臣募雇饑民修成堤岸以為久遠之利今來裁揀是時欲令安撫司於潭州摘

擲百人併力栽種及將來芟除蒿草詔令劉洪道疾速
措置施行五月十二日詔臨安府餘杭縣南北湖依舊
存留灌漑民田等用不許輒便出賣十七日尚書右僕
射都督諸路軍馬張浚言勘會興元府洋州所管渠堰
澆漑民田數目浩瀚昨自兵火之後例皆隳壞今吳玠
遣發將兵及委知興元府王俊知洋州楊從義部押官
兵同共修葺並已就緒望賜獎諭並乞降黃榜撫勞將
兵從之二十三日給事中兼直學士院胡世將言吳玠
等能憂國恤民發戢下之衆以興渠堰廣灌漑之用為
富國強兵之資寬疲瘵速輸之急其體國之忠有足嘉
者臣謂宜因以風厲將帥使咸知朝廷之意各務究心

興修水利措畫營田以省餽運而寬民力欲望將今來
降詔勅榜文令有司行下諸大帥及統兵官等照會將
王俊楊從義等特賜旌賞以為忠勞之勸從之八年
十一月二日御史蕭振言乞詔親民之官各詢境內之
地某鄉某里凡係陂塘堰埭民田共取水利去處咸籍
而記之若從官中追集修治則慮致搔擾不若隨其土
著分委土豪使均敷民田近水之家出財穀工料於農
隙之際修焉縣官董其大槩而已仍於縣官罷任之日
書所興修水利若干於印紙量加旌賞以勸來者詔令
戶部行下諸路常平司委守臣措置興修以聞九年
正月二十一日利州路提刑司言保明到王俊楊從義

田晟修葺興元府洋州兩處修到渠堰溉田所增苗稅
乞依已降指揮旌賞施行詔吳玠令學士院降詔獎諭
餘各與轉一官依條回授五月二十四日權發遣明州
周綱言嘗考明州城西十二里有湖名廣德周回五十
里蓄諸山之水利以灌溉鄞縣七鄉民田其利甚廣自
政和八年守臣樓昇請廢為田召人請佃得租米一萬
九千餘碩至紹興七年守臣仇愈又乞令見種之人不
輸田主徑納官租增為四萬五千餘碩臣嘗詢之老農
以為湖水未廢時七鄉民田每畝收穀六七碩今所收
不及前日之半以失湖水灌溉之利故也計七鄉之田
不下二千頃所失穀無慮五六十萬碩又不無旱乾之

患仍還舊湖仍舊為湖伏望特賜指揮施行詔依令轉
運司疾速措置申尚書省 十三年三月二十四日明
州言契勘廣德湖下等田畝緣既已為田即無復可為
湖之理不免私自冒種非惟每年暗失官租三千餘碩
而元佃人戶詞訟終無田止息又因緣有爭占闕訟愈
見生事欲乞依舊為田令元佃人戶耕種從之 十五
年閏十一月九日差權發遣利州元不伐言蜀本魚鳬
彭濮之國土地瘠薄秦太守李冰鑿離堆皂水以灌以
溉由是利水之興編於右蜀遂為興區養民之利莫大
於此爰從近歲堰多壞缺不時繕營為農之害莫大於
此賞罰之明著於甲令非舉而行之無以示勸懲欲望

戒飭有司克遵成憲申嚴殿最以隆邦本使無罪歲之
憂詔委四川宣撫司相度措置 十六年正月二十一
日知興元府楊政言契勘本府山河六堰澆溉民田頃
畝浩瀚自来春首随民户田畝多寡均差夫力修葺昨
經兵火民力不足多因夏月暴雨衝壞堰身若修葺不
如法遂失一歲之利今措置如遇渠堰損壞民力不足
即於見屯軍兵下等人內量差副併力修葺從之七月
工日上諭宰執曰平江堤堰不修歲輸米比舊額虧十
萬斛并臨安西湖民灌溉所資其利不細歲久淤澱並
宜措置修治十一月前知袁州張成已言江西良田多
占山崗上資水利以為灌溉而罕作池塘以備旱暵望

令江西守令俾務隙時勸督父老相地之宜講究池塘
灌溉之利以為耕種無窮之資詔令戶部檢具賞格行
下本路常平司措置二十三年四月二十三日上諭
輔臣曰久雨不至妨農否民田須常作儲蓄昨來士大
夫有理會興修陂湖之利者宜令州郡措畫以備闕雨
灌溉於是尚書省勘會諸路州縣陂湖本以蓄水準備
灌溉民田訪聞比來多為大戶侵占一或闕雨有妨灌
溉詔令逐州軍措置每季具施行次第以聞六月十四
日權知江陰軍蔣及祖言江陰軍地廣民衆號稱沃壤
北枕大江潮渚之所往來然漕河別有一派曰五卮港
港北入大江凡六十里自大觀中湑治距今填淤積水

不泄霖潦暴至冒沒民田故西南諸鄉多水溢之虞本
軍舊有橫河自建寅門至平江常熟縣凡五十里傍為
支渠溉田甚廣自政和中濬治距今沙漲幾為平地凡
北江之潮無自而入故東南之鄉多旱乾之患二河之
利久不開鑿望令官相視興修仍令長吏以時疏導詔
令本路常平司相度申尚書省 二十一年十一月十
九日前權知黃州黃子游言乞飭提舉常平官將舊未
管下所有陂塘應干水利去處委官檢路本處縣丞指
置申本司照應修治務要可禦水旱如一切了當從本
司覆實申乞推賞施行或不切究心措置滅裂亦仰常
平司具名按劾上曰近聞陂塘水利去處多為人侵占

可令有司措置無妨衆用於是詔戶工部檢坐見行條
法指揮申嚴行下既而上諭輔臣湏是常平官得人若
監司用心此等事無慮間近時監司多是端坐不出巡
歷提點刑獄職在平反尤當遍臨所部宜加戒飭乃詔
諸路漑溉民田陂湖往往為人侵占令戶部行下提舉
常平官躬親措置申尚書省 二十二年八月四日比
部員外郎李泳言淮西募兵耕墾閑田而田疇高原去
處舊有陂塘以資漑溉今來墾闢雖廣而未究水利若
使民戶自行開濬竊恐方集之人有傷其力望詔有司
行下州縣更切講究水利若使民戶自行開濬竊恐方
集之人有傷其力望詔有司行下州縣更切講究水利

如有陂塘所在俾於農隙官給錢米以濬治之上宣諭
曰聞州郡陂塘蓄水去處如對岸紹興及淮南往往為
民所侵占雖目前州縣獲利恐三五年後無水溉田却
為害非細李泳所奏可令戶部行下本路常平司措置
九月六日左朝奉郎周楙言臣前任蘄州見邵城環運
皆山每遇霖雨則衆山之水奔湊城下莫之能禦治平
二年郡守張衡創築河堤以埽水勢從此無復水患自
經兵火掘鑿殆盡望詔有司委自知通同屬縣就農隙
依所定錢米和雇游手濬渠取土成堤水到渠成堤亦
成矣堤岸既修除去水患民皆安居而灌既有備亦無
旱暵之虞上可其言因宣諭曰不獨蘄州凡沿淮合堤

備水患去處令本路漕臣同逐州守臣措置 二十三年七月二十三日試右見諫議大夫史才言浙西諸郡水陸平夷民田最廣平時無甚水甚旱之憂者太湖之利也數年以來瀕湖之地多為軍下兵卒侵據為田擅利妨農其害甚大蓋隊伍既易於施工土益增高長堤彌望曰埧田水源既壅太湖之積漸與民田隔絕不通旱則據之以溉而民田不沾利乞專令本路監司躬親究太湖舊軍民各安其職田疇盡焚十月二十二日戶部言宣州太平州縣管官私圩田內有被水衝破圩岸去處欲乞委司農寺丞兼權戶部郎中鍾世明前去措置從之二十七日鍾世明言被旨差往宣州太平州措

置圩埭今條下項一今來宣州化成惠民圩埭周圍接連長八十里小埂不用修築外內被水破缺並裏外損壞推塌處去合行修築增高一今來修築圩埭合用和雇人功錢米乞於常平錢米內應副如本州常平錢米不足即許提舉常平司於本州合發上供錢米內取撥充借免致臨時闕悞其下三等人戶竊慮緣水患無力輸納即乞令結甲借貸常平司錢自紹興二十四年為始作四年帶納一今來修築圩埭所用工浩瀚務要堅實庶可經久全藉所差官協力管幹庶不致減裂枉費人工如有不切用之弛慢職事許行按劾內有昏懦怯弱不任職事之人亦許差官抵替所有檢察監修部役等

官如能用心了辦不致減裂虛費人工亦乞許保明申
取朝廷指揮量行推賞庶示懲勸於是戶部者詳欲乞
下宣州并江東轉運常平司詳此並依本官逐項措置
到事理施行從之閏十二月二十七日又言今措置太
平州圩垸下項一令來當塗蕪湖兩縣人戶被水損壞
圩垸乞結甲佃保米糧相添自行修築在法係是農因
水利民力有不能辦者合依宣州體例借貸具數保明
申提舉常平司外有蕪春等圩垸人戶乞官為雇工修
築今檢計被水破缺并裏外埂損壞合行增築貼補其
蕪湖縣萬春陶新政和等圩垸三所共長一百四十五
里有餘合用九十六萬一百三十四工當塗縣管圩垸

一所係廣濟圩長九十三里有餘其圩與私圩五十餘所並在一處坐落青山前各係抵狹埂外面有大埂埭一條包套逐圩在內抵漲潮水今來逐圩被水損壞詢訪人戶只修外面大埂不惟數倍省工委是可以抵障水勢所有腹裏圩埭或有損處聽人戶自修尋取會到逐縣被水修治官私圩埭體例係是人戶結甲保借常平來自修今來損壞尤甚人戶工力不勝不能修治今措置欲乞依見今人戶結甲乞保借米糧自修圩埭體例不以官私圩人戶等第納苗租錢米充雇工之費官為代支過錢年限帶納自餘合用錢米並乞下提舉常平司照會日下取撥律發應副本州雇工修治施行一

今來蕪湖縣申獨山永興保城咸寶保勝保豐行春圩
北其地圩埭被水衝破打損至多若只依係保借糧米
將來修築不前內有咸寶一圩被水損外衝成潭缺計
長二十五丈濶三十丈深二丈二尺須用創作堤埭從
裡面圍裹倍費工力比獨山等圩埭損壞尤見工費不
同委是民力難辦乞官為雇工修築今檢計獨山等七
圩委是被水損壞處多其咸寶堤埭衝破成潭處難以
就舊基修築合從裡面別創築埂圍裹計長八十一丈
合用五千四百工今措置上件圩埭欲各依例結甲隨
苗借米外更據下戶田每畝與錢一百文省令自修築
其咸寶圩埭潭缺處據合用工數欲乞官和雇人工共

同修治於是戶部言欲乞下太平州江東轉運常平司
並依本官逐項措置到事理施行從之 二十四年九
月十五日大理寺丞周環言臨安平江湖秀四州低下
之田多為水積浸灌蓋緣溪山諸水併歸太湖水分為
二派東南一派由松江入於海西北一派由諸浦注之
江其沿江泄水諸浦中惟白茅浦最大今為沙泥淤塞
每歲若遇暑雨稍多則東北一派水必壅溢遂致浸傷
農田欲望令有司相視於農隙開決白茅浦故道俾水
勢分派流暢實四州無窮之利詔令轉運司措置 二
十八年八月二日宰執進呈監察御史任古論蘇常湖
秀被風水災傷因措置浙西江東淮南賑糶事上曰被

水州縣檢放稅苗而賑貸其不給固當如此宰臣曰平江一帶低下而堤堰壅塞畎澮不通致有積水他郡亦不至此上曰可令蔣燦同漕臣專一措置九月十三日兩浙路轉運副使趙子瀟知平江府蔣燦言近被旨相度水利利害子瀟等歷吳江吳長三縣民田湮沒去處相視以至常熟又自常熟北至楊子江又自崑山東至海口推究源流講求利害今詢訪得浙西諸州平江最為低下而湖常等州之水皆歸於太湖自太湖以導于松江自松江以注海是太湖者數州之水所瀦而松江者又太湖之所洩也然以數州瀦水之巨浸而獨洩以松之一川宜其勢有所不勝受而洩放有所不逮是以

昔人於常熟之北開二十四浦疏而導之楊子江又於崑山之東開一十二浦分而納之海兩邑大浦凡三十有六而民間私小淫港不可勝數皆所以決壅滯而防泛溢也後回潮汐往來泥沙積聚舊置開江之卒尋亦廢去閱時既久填淤日增此大浦所以堙塞而民田於是有所滄沒之憂也昨日建議興修水利之人接武而出其說皆迂濶汗漫而難用所見於已施行者天禧天聖間運使張綸於常熟崑山縣各開衆浦以導積水景祐間郡守范仲淹親至海浦開浚五河以疏導諸邑之水使東南入于松江東北入于楊子與海政和間提舉趙霖將命興修水利開浚三十三浦役工僅開常熟兩浦

崑山一浦而罷開三浦之後迄今又四十年諸浦堙塞
又非昔日之比遂致湖澤盈溢浦港淤淤而積水散漫
民田之中十年之間溺歲八九今相視泥沙湮塞有妨
洩水合行開掘分導緊切去處開具如左一常熟縣開
浦五處梅里塘泄崑湖并常熟塘一帶積水自本縣東
柵由梅里鎮至白蕩橋又茆浦係泄崑湖承湖水自周
涇至浦口又崔浦泄崑湖承湖由梅里塘積水自浦口
至雉浦一帶又福山浦係泄崑湖承湖并府塘一帶積
水自尚墅橋及九折塘至顯星橋又黃四浦係泄尚湖
及崑湖水自三里汀至十字港一崑山縣開浦四處新
洋江北接百家瀆南出吳松江自百家瀆口太倉塘入

小虞浦北接鰻鰔灤南出吳松江自鰻鰔灤口下南至黃墓村橋又雇浦北接斜塘灤南出吳松江自郭澤塘口下北至邵遙又郭澤塘南通夏駕浦東通雇浦洛徹吳松江已上兩縣總計工三百三十七萬四千六百六十四工錢三十三萬七千四百六十六貫三百文米一十萬一千五百三十九碩八斗九升子瀟等契勘崑山縣四浦工力不多乞止用本縣食利人戶支給錢米委本縣官監督開浚常熟縣五浦工力浩瀚係與吳長等縣利害相及欲除崑山縣外有本縣食利人戶以五千一人為率人夫數少即於三縣見賑濟人內募強壯人充應所有差官起工等事件析次條具申請緣平江府積

水經今已兩月餘日未退已妨種麥若不於農隙之際
支給錢米雇夫開治深恐來歲春雨積水愈甚虧失常
賦不便望速降指揮施行詔差御史任古同提點刑獄
徐康前去覆視詳究利害聞奏所有合措置事件令趙
子瀟蔣璨一面條具申尚書省其任古仍令上殿奏事
畢疾速前去二十五日知涪州程敦書言稻田以水為
本故無渠堰而田宜稻者則有瀦水之地以待灌溉比
緣經界官吏以民間瀦水地為天荒地豪猾游手因而
結交州縣請佃承買洩其水以為可種之地獨擅其利
田既無水歲失播種乞行下諸路如有請佃承買瀦水
地者即為改正從之十一月九日監察御史任古言平

江府常熟四縣舊有開江四指揮共二十人額專一修治浦塘等并置巡塘官一員今欲乞止於常熟崑山兩縣合招填一百人額其請給等並依舊例支給施行仍奏撥軍員使臣各二人分管軍兵如有塘浦堙缺通融人工役使逐旋修治古又奏崑山縣耆宿言所開浦四處緣今歲積雨東北風潮并太湖及山水相會有滄沒民田魚郭澤塘一浦橫過即非泄水去處春間人戶園田自當開撩所有小虞浦新洋江雇浦三處雖合開浚見今四浦盡為松江大水漲過其外發泄遲緩是致諸浦蓄水難以興工欲候江水減落岸塍出露人戶自行開掘亦不願支破錢米若內有貧乏無力之人乞量借

常平官糧寬立年限分料送納乞從民便已行下本縣
令預備將來興工之具候江水減退即行開浚並從之
同日監察御史任古言臣同徐康與常熟縣官覆視五
浦今詳究得本縣東柵至雉浦入丁涇通徹福山塘下
注大江委是快便若依趙子瀟當來申請以五千人為
率於來歲正月入役約計一月餘日可畢此浦使崑承
二湖及府塘一帶并被傷民田內水通注于江然後浚
治黃泗浦三里江至十字港工力亦不甚多併趁農隙
先畢二浦其餘合開港浦再俟將來農隙當以緊漫次
第興工古又奏趙子瀟昨計料開浚崔浦係決泄昆承
二湖及民田內水南自梅里塘距浦口迤邐北入大江

古等身詣相視其浦乾涸可以行往蓋緣浦身迂回曲折泄水不快是致積沙高厚開浚工倍欲于雉浦口別有一涇徑入福山大浦通於大江名為不涇北阜雉浦並無回曲不惟開浚有費實於泄水為便詔並依奏錢於御前激賞庫支降米就平江府撥到綱米內支取令趙子瀟同守臣措置於正月上旬興工令預備器用不許科擾於民二十九年正月二十一日兩浙路轉運副使趙子瀟言被旨開濬平江府常熟縣東柵至雉浦入丁涇徹福山塘已於正月五日興工據常熟縣父老稱福山塘與丁涇地勢相等今開丁涇更深三尺若不濬福山塘則水必至倒注於涇今與平江府州縣官同

往相視宜依父老陳已開濬又見開東柵至雉浦口河
面並合闊八丈并雉浦港底四丈二尺貴得泄水通快
詔依仍令疾速興工二月十八日發敷文閣待制知平江
府陳正同言相視到常熟縣開濬諸浦其修治田岸係
有田之家計畝均出錢米以保永業必無怨尤之理舊
來浦口雖有潮沙之患每得上流清水湍浚可以推滌
不至全然淤塞後來節次被人戶圍裹瀦水湖囊為田
其已成之田人戶認為永業欲乞今後不許人戶更將
邊湖瀦水去處占射圍裹於是戶部言在法諸瀦水之
地謂衆共溉田者輒不許人請佃承買并請佃承買人
各以違制論每畝賞錢三貫一百貫止今欲下平江府

明立界止約束人戶即不得依前占射園畧從之同日
詔常賴縣丞江續之減二年磨勘壕寨官韓彥彭昇各
與轉一官資以本路運使保明開浚浦畢工故也 三
十年三月八日淮南運判張祁言被旨措置開墾荒田
修築圩垸陂塘竊見無違軍廬江縣楊柳圩一所周圍
五十里兵火後來不曾修築致圩垸損缺溝洫壅閉一
向荒閑二十餘年及無為縣嘉城圩一所各有荒閑因
土本司見已修築圩垸蓋造莊屋收買牛具招集百姓
耕墾竊念淮南窮陋本司別無寬剩錢物應付逐給支
遣欲望詳酌權於本路州軍合起發錢內科撥三萬貫
從本司置厯專充措置開耕荒田支費候稍有次第即

將逐年所收莊課椿管撥還支過錢數詔於淮東茶鹽
司椿管錢內支撥三萬貫應副 以上中興會要